

Apeiron na Generalnoj skupštini Asocijacije „Volare impresa“ u Italiji

Dekan Fakulteta poslovne ekonomije Panevropskog univerziteta „Apeiron“ prof. dr Sanel Jakupović 17. juna prisustvovao je Generalnoj skupštini Asocijacije „Volare impresa“ u Rimu (Mreža nacionalnih preduzeća i eksperata u Italiji), a na poziv dr Diega Moscheni-ja, potpredsjednika Asocijacije i počasnog konzula BiH u Italiji. Na Skupštini ove najvažnije nacionalne asocijacije u Italiji, koja je održana u Domu parlamentarne skupštine u Rimu, prisustvovalo je 300 delegata i gostiju iz Republike Italije i inostranstva.

Dekan Jakupović je, između ostalog, iskoristio priliku da se upozna sa radom ove Asocijacije, kao i da predstavi Univerzitet „Apeiron“ i njegove razvojne planove i međunarodne projekte. Skupu je prisustvovalo i 5 državnih Univerziteta iz Italije. Prof. dr Gianni Orlandi, prorektor najstarijeg rimskog Univerziteta „La Sapienza“, koji ima preko 112.000 studenata, govorio je o važnosti boljeg prilagođavanja rada i funkcije Univerziteta potrebama malih i srednjih preduzeća, te je istakao da inovacije i novi proizvodi i usluge moraju zauzeti prioritet u istraživanju instituta i univerziteta.

- Italija je odličan primjer dobog razvoja malog i srednjeg preduzetništva i saradnja sa naučo-istraživačkim institutima i drugim relevantnim institucijama ove zemlje može nam biti od velike pomoći, naglasio je prof. dr Sanel Jakupović.

20. jun 2016. godina

Služba za odnose sa javnošću